

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Ahaldun Nagusia**

Bizkaiko Foru Aldundiaren 16/2023 FORU DEKRETUA, urtarrilaren 31koa, zeinaren bidez, onartzen baitira dirulaguntza foralen deialdia eta oinarri arautzaileak, sustatzeko 150.000 biztanle baino gutxiagoko Bizkaiko udalek nahiz udal-elkarteek Europar Batasunaren programa eta ekimenetan parte hartzea 2022ko azaroaren 1etik 2023ko urriaren 31ra bitartean.

Bizkaiko Foru Aldundiak, Ahaldun Nagusiaren Kabinetearen eta Bizkaia Erakargune Bihurtzeko Zuzendaritza Nagusiaren bitartez, helburu hau bete nahi du, besteak beste: Europari buruzko informazioa ahalik eta gehien jaso eta zabaltzea lortuko duten ekintzak zuzendu, koordinatu eta sustatzea, bai eta Bizkaiko udalerrien arteko elkarlarragina Europako deialdiei begira zuzendu, koordinatu eta sustatzea ere.

Haren eginkizunen artean, hauek daude: Bizkaiko udalerriei Europar Batasunaren barruan dauden finantzaketa-deialdi eta -aukeren inguruko orientazioa eta laguntza emateko zerbitzu bat martxan jartzeko lanak zuzentzea, eta Europako jarduketetan parte hartzeko aukera berriak detektatzea eta haien diseinua proposatzea, Bizkaiko Lurralde Historikoko udalerriek dituzten beharrianak aintzat izanda (Ahaldun Nagusiaren Kabinetea eta Estrategia Digital eta Korporatiboaren Kabinetea arautzen dituen Erregelamendua onesten duen ekainaren 28ko 84/2022 Foru Dekretuaren 18.e eta 19.e artikulua).

Hortik sortu da Europari buruzko Orientazioa Bideratzeko Bulegoa, Bizkaiko Foru Aldundiari eta Bizkaiko udalei Europar Batasunaren finantzaketaren aukerei buruzko informazioa eta aholkularitza eskaintzeko tokiko proiektuetarako Europako finantzaketa eskatzen dutenean.

Bizkaiko Lurralde Historikoko udalek Europako finantzaketari buruzko programa eta tresnetan parte hartzea funtsezkoa da lurraldean proiektu estrategikoak garatu ahal izateko, eta, horrez gainera, aukera ematen du Europako puntako beste kide batzuekin lan egiteko eta Bizkaian egiten den lana eta lortzen diren emaitzak nazioartean ikusarazteko.

BFA jakitun da zer zaila den honelako finantzaketan parte hartzea, batez ere udalentsat, baliabide tekniko eta ekonomiko eta giza baliabide gutxi baitituzte. Hori horrela, foru-dekretu honen bidez laguntza-lerro berezi bat ezartzen da Bizkaiko 150.000 biztanletik beherako udalek eta udalen elkarrekin 2022ko azaroaren 1etik 2023ko urriaren 31ra bitartean Europar Batasunaren programa eta ekimenetan parte har dezaten; helburua da parte hartze horren kostuen zati bat kofinantzatzea.

Programa eta ekimen horiek gauzatzeko, deialdi batzuk egingo dira, Bruselan, estatuan edo eskualdean kudeatuko direnak. Haietan parte hartzeko hau da beharrezkoa: parte hartzeko erabaki irmoa izatea eta deialdian aurkeztuko den proiektua ondo idazteko eta parte hartzeko baldintzak garaiz eta forma egokian prestatzeko euskarri tekniko ona izatea. Horrek guztiak kostu erantsi batzuk ekarri ohi ditu, eta dekretu honen helburua da haien zati bat finantzatzea.

Foru-dekretu honek bete egiten ditu erregulazio onaren printzipioak; printzipio horiek Administrazio Publikoen Administrazio Prozedura Erkidearen 2015eko urriaren 1eko 39/2015 Legean aurrez ikusten dira (hemendik aurrera, APEL) eta Bizkaiko Foru Aldundian xedapen orokorrak egiteko prozedura arautzen duen ekainaren 15eko 87/2021 Foru Dekretuaren 3. artikuluan daude jasota (hemendik aurrera 87/2021 Foru Dekretua).

Dirulaguntzak emateko prozedurari dagokionez, maiatzaren 31ko 5/2005 Arauaren 20. artikuluan aurreikusitako lehia askeko prozeduraren bidez emango dira. Prozedura horrek laguntzak modu eraginkorrean esleitzeko aukera ematen du, eskaerak jaso ahala emanez.



Jardueren izaera dela eta, eskatzailea urtean zehar Europako finantzaketa-deialdi ugarietako batera aurkezten denean sortzen da laguntzaren beharra. Hori dela eta, ezinezkoa da eskabideak konparatzea eta, ondorioz, norgehiagoka egitea. Horrela, laguntzak modu eraginkorrean esleitzea ahalbidetu nahi da.

Horrez gainera, genero-ikuspegia txertatu da dekretu hau egitean, Emakumeen eta Gizonen berdintasunerako eta Emakumeen aurkako indarkeria Matxistatik gabeko Bizitzetarako buruzko otsailaren 18ko 4/2005 Legea, 2013ko azaroaren 19ko 141/2013 Foru Dekretuan ezarritakoa betetzeko eta Bizkaiko Emakumeen eta gizonen berdintasunareko VI Foru Plana. Ildo horretan, tramitazioan, 87/2021 Foru-Dekretuaren 2. artikuluan aipatzen den txostena sartu da, hau da, generoaren eraginaren aurretzeko ebaluazioari buruzkoa.

87/2021 Foru Dekretuaren 26. artikuluan xedatutakoaren arabera, prozedura hau salbuetsita dago aurretiko kontsulta publikoaren eta jendaurreko informazioaren entzundaldiaren izapideetatik, xedapen arauemaile bat delako, "diru-laguntza, beka eta bestelako laguntza ekonomikoen programen oinarriak eta deialdiak onartzen dituen, baldin eta haien edukia berdina bada edo ez bada funtsean aldatzen Administrazio Publikoen urriaren 1eko 39/2015 Administrazio Prozedura Erkidearen aurreko ekitaldietan xede berekin onartutako oinarrien eta deialdien edukia".

Xedapen hau onartzeko eskumena, bestetik, Bizkaiko Foru Aldundiaren Gobernu Kontseiluari dagokio, hala xedatzen baitu bere otsailaren 13ko 3/1987 Foru Arauak, Bizkaiko Lurralde Historikoko Foru Erakundearen Hautapen, Antolaketa, Araubide eta Jardunbideari buruzkoak.

Ondorioz, Bizkaiko ahaladun nagusiak proposatuta, eta Bizkaiko Foru Aldundiko Gobernu Kontseiluak eztabaidatu ondoren, honako hau

XEDATZEN DA:

Artikulu bakarra. — Oinarri arautzaileak eta deialdia onartzea

1. Dirulaguntzen oinarriak eta deialdia onartzen dira Bizkaiko 150.000 biztanletik beherako udalek eta udalen elkarteek 2022ko azaroaren 1etik 2023ko urriaren 31ra bitartean Europar Batasunaren programa eta ekimenetan parte har dezaten sustatzeko.

2. Dirulaguntzen xede izango dira Bizkaiko 150.000 biztanletik beherako udalei edo udalen elkartei —udal bakoitzak 150.000 biztanle baino gutxiago baditu— emandako laguntza teknikoa eta kanpoko aholkularitza, baldin eta laguntza eta aholkularitza horien helburua bada 2022ko azaroaren 1etik 2023ko urriaren 31ra bitartean Europar Batasuneko programa eta ekimenetan proiektuak aurkeztea.

3. Foru-dekretu honen bidez, laguntza teknikoaren eta aholkularitzaren kanpoko kostuen % 50 kofinantziatuko da; kostu horiek Europako finantzaketarako deialdi batean proiektu bat aurkeztearen ondorioz onuradunak eginikoak izango dira, eta helburua ez da inoiz ere izango proiektuan aurkeztearen ondoriozko gastu guztiak finantzatzea.

4 Erakunde hauen izan daitezke erakunde onuradun:

- Bizkaiko Lurralde Historikoko 150.000 biztanletik beherako udalak
- Bizkaiko Lurralde Historikoko mankomunitateak, 150.000 biztanle baino gutxiago dituzten mankomunitateko udalei dagokien dirulaguntzaren zatia eskatzen badute.

AZKEN XEDAPENAK

Azken Xedapenetako Lehenengoa. — Arau bidez garatzeko gaikuntza.

Bizkaiko Ahaladun Nagusiari ahalmena ematen zaio foru-dekretu hau garatzeko beharrezkoak diren xedapen guztiak eman ditzan.

Azken Xedapenetako Bigarrena. — Indarrean jartzea

Foru-Dekretu hau Bizkaiko Aldizkari Ofizialean argitaratu eta biharamunean jarriko da indarrean.



Azken Xedapenetako Hirugarrena. — *Efektuak*

Xedapen honetan jasotako oinarriek eta deialdiek 2022ko azaroaren 1etik 2023ko urriaren 31ra arteko atzeraeraginezko ondorioak izango dituzte.

Bilbon, 2023ko urtarrilaren 31n.

Ahaldun Nagusia,
UNAI REMENTERIA MAIZ

**EUROPAR BATASUNAREN PROGRAMA ETA EKIMENETAN PARTE HARTZEA
DIRULAGUNTZA FORALEN DEIALDIA ETA OINARRI ARAUTZAILEAK****1. oinarria. — Xedea**

Dirulaguntzen deialdia Bizkaiko 150.000 biztanletik beherako udalek eta udalen elkarteek Europar Batasunaren programa eta ekimenetan parte har dezaten sustatzeko.

2. oinarria. — Dirulaguntza kopurua

Ahalik eta dirulaguntzarik gehien emango da, aurrekontuko diru-izendapena eta ematen diren dirulaguntzen zenbatekoa kontuan harturik.

3. oinarria. — Diruz lagundu daitezkeen kostuak

1. Gastuak diruz laguntzeko gastutzat joko dira, baldin eta zalantzarik gabe erantzuten badiote diruz laguntzen den jardueraren izaerari, guztiz beharrezkoak badira

2. Dirulaguntza jasotzeko, kanpoko aholkularitzako enpresek emandako fakturretan jasoko dira Europako programa eta ekimenetarako tokiko proiektuak aurkezteko laguntza teknikoaren eta aholkularitzaren ondoriozko gastuak.

4. oinarria. — Bekak eta laguntzak emateko araubidea

1. Dirulaguntzak norgehiagokarik gabeko prozeduraren bidez emango dira, hau da, dirulaguntzak eskabideak erregistratzen diren hurrenkeran emango zaizkie eskubidea duten eskatzaile guztiei, dagoen aurrekontua agortu arte edo deialdiaren indarraldia amaitu arte (2023ko urriaren 31n).

2. Dekretu honen helburua izanik udalek edo udalen elkarteek Europar Batasunean tokiko proiektuak egiteko finantzaketa osagarria lortzeko dauden programa eta ekimen ugarietan parte har dezaten sustatzea, norgehiagokarik gabeko prozedura aukeratu da haien parte-hartzea arindu eta sustatzeko, eta epe zabala eta nahikoa zuzkidura ezarri dira eskabideak aurkezteko.

3. Dirulaguntza emateko, espedientean egiaztatuta geratu beharko da erakunde eskatzaileak onuradun izateko betekizunak betetzen dituela, baita egindako jarduera dirulaguntza jaso dezaketenen artean dagoela ere. Aurreko hori egiaztatu ondoren, dirulaguntzak emango dira, eskura dauden aurrekontuko diru-baliabideen arabera eta ondoren aipatuko diren mugen barruan.

5. oinarria. — Laguntza-modalitatea eta zenbatekoa

1. Europako funtsek finantzatutako deialdi batean proiektu bat aurkezteko onuradunak kontratatu behar izan duen laguntza teknikoaren eta kanpoko aholkularitzaren kostuaren %50ekoa izango da kofinantzatuko den ehunekoa.

2. Erakunde onuradunek finantzatu beharko dute jarduketa, eta jarduketa amaituta jasoko dute kofinantzaketa; laguntza jasotzeko, ezinbesteko baldintza izango da proiektua Europako funtsek finantzatutako deialdi batean aurkezteak.

3. Udal batek laguntza gehiegi ez jasotzeko, 10.000 euroko muga ezarri da udal bakoitzeko. Udalen elkartea bada, goian adierazitako gehieneko muga aplikatzeko, kontuan hartuko da udal bakoitzak zer partaidetza duen laguntza teknikoaren edo aholkularitzaren helburu duen proiektuan.

4. Beraz, udal batek aukera izango du deialdi honetan nahi beste proiektutan eskabidea egiteko, berak bakarrik edo udalen elkarte bidez, baina, betiere, berak bakarrik edo elkarte baten bidez aurkeztutako proiektu guztiak metatuta jaso dezakeen dirulaguntza dela-eta dagokion guztizkoak ezin du gaingitu gehieneko muga.

6. oinarria. — Eskabideak aurkezteko forma eta epeak

1. APELen 14.2. artikuluan xedatutakoarekin bat, dirulaguntzetarako eskabideak Bizkaiko Foru Aldundiaren egoitza elektronikoaren bidez aurkeztu beharko dira: <https://www.ebizkaia.eus/es/inicio>.



2. Eskabideak aurkezteko epea hau izango da: deialdia BAO n argitaratu eta hurrengo egunetik 2023ko urriaren 31ra arte. Nolanahi ere, ez da dirulaguntza gehiago emango aurrekontua agortzen den momentutik aurrera, edo, beranduena, 2023ko abenduaren 31n.

7. oinarria. — Aurkeztu behar den dokumentazioa

1. Agiri hauek aurkeztu beharko dira:
 - a) Erakunde eskatzailearen gobernu-organoaren edo ordezkaritza eskudunaren ebazpenaren edo erabakiaren egiaztagiria, non berariaz onartzen baita kasuan kasuko Europako finantzaketa-deialdian deialdian parte hartzea eta jasotzen baitira proiektuaren izena eta aurrekontua, barnean harturik proiekturako aurreikusitako finantza-plana.
 - b) Proiektu lokala 2022eko azaroaren 1etik 2023ko urriaren 31ra bitartean Europako finantzaketa-deialdi batera aurkeztu dela egiaztatzen duen agiria.
 - c) Hala badagokio, erakunde onuradunak eskaturiko hiru aurrekontu, Dirulaguntzei buruzko Foru Administrazioak ematen dituen dirulaguntzen araubide juridiko orokorra arautu zuen 2005eko maiatzaren 31ko 5/2005 Foru Arauen 29.3. artikuluan xedaturikoa betetzeko (auurerantzean, 5/2005 Foru Araua).
 - d) Kanpo-aholkularitzako enpresen faktura edo fakturak, proiektu lokalak Europako programa eta ekimenetan aurkeztea xede duten laguntza tekniko eta aholkularitza dela-eta emanak, non xehaturik agertu behar baitute gastuek zein bere zenbatekoarekin. Bakarrik onartuko dira dekretu honetako dirulaguntza eskatzen duen erakundearen izenean dauden fakturak, eta ez dira onartuko beste erakunde batzuek zuzenean ordaintzekoak direnak.
 - e) Dirulaguntza eskatzen duen erakundeak faktura benetan ordaindu duela egiaztatzen duen agiria.
2. Europari buruzko Orientazioa Bideratzeko eta Bizkaia Erakargune Bihurtzeko Zerbitzuak, datu-bitartekaritzarako plataformaren bidez, administrazio-prozedura izapidetzeko behar diren datuak bilduko ditu.

Arrazoi teknikoak direla eta, ezinezkoa elkarreragingarritasuna, zerbitzuak esku izango du izapideak egiteko beharrezko dituen datuak edo dokumentuak eskatzeko.

3. Eskabideak behar bezala beteta ez badaude, edo eskabidearekin batera foru-dekretu honetan eskatutako agirietakoren bat aurkeztu ez bada, errekerimendua egingo zaio erakunde interesdunari, hamar (10) egun balioduneko epearen barruan akatsa zuzendu edo beharrezko agiriak aurkez ditzan. Era berean, ohartaraziko zaio ezen, hala egiten ez badu, eskaeran atzera egin duela ulertuko dela eta, behin ebazpena emanda, eskaera artxibatu egingo dela.

8. oinarria. — Gastuen justifikazioa

1. Justifikazioko kontuaren modalitatea erabili da (frogagiriekin), Bizkaiko Foru Aldundiaren martxoaren 23ko 34/2010 Foru Dekretuaren bidez onetsitako Dirulaguntzei buruzko Erregelamenduaren 57. artikuluan arautua.

3. artikuluan ezartzen diren dirulaguntza jaso dezaketen gastuei dagokienez, hauek onartuko dira:

- Bideragarritasun- eta merkatu-azterlanak.
- Proiektuaren garapenerako beharrezkoak diren txosten eta azterlan espezifikoak.
- Proiektua Europako ekimenarekin, proposatutako europaren partzuergoarekin eta deialdi zehatz batean egokitzen den ebaluatzeko txostenak.
- Partzuergoaren jardueren koordinazioa.
- Proiektuaren idazketa.
- Proiektua eskatzen diren bitartekoen bidez aurkeztea.
- Kontratua Europako Batzordearekin negoziatzea.

**9. oinarria. — Ebazpena**

1. Eskabideei buruzko ebazpenak emateko eta jakinarazteko epea BI (2) HILABETE izango da gehienez, eskabideen aurkezpena erregistratzeko epea amaitzen denetik zenbatzen hasita.

2. Herri Administrazioako eta Erakunde Harremanetarako foru diputatuak emango ditu ebazpenak, Europari buruzko Orientazioa Bideratzeko Zerbitzuak proposamena eginda. Epe hori eskabideari buruzko ebazpen espresurik eman eta jakinarazi gabe igarotzen bada, eskabidea ezetsizat joko da; hala ere, geroago ebazpen espresua eman ahal izango da.

3. Bizkaiko Foru Aldundiaren egoitza elektronikoan eskura jarritz jakinaraziko da eskatutako dirulaguntza emateko edo ukatzeko ebazpena edo erabakia, eta administrazio-bidea agortuko du.

4. Foru-dekretu honetako dirulaguntzak bateragarriak izango dira helburu bererako Estatuko, Europar Batasuneko edo nazioarteko edozein administrazio edo erakunde publikok zein pribatuk ematen dituzten dirulaguntza, laguntza, diru-sarrera edo baliabideekin. Horren salbuespena izango dira Bizkaiko Foru Aldundiko beste edozein foru sailek emandako dirulaguntzak.

5. Dirulaguntza emateko kontuan hartutako baldintzaren baten aldaketak, eta dena dela, aldi berean estatuko edo nazioarteko beste administrazio edo erakunde publiko edo pribatuek emandako beste dirulaguntza edo laguntza batzuk lortzeak, dirulaguntza emateari buruzko ebazpena aldatzea ekar dezakete, foru-dekretu honen bitartez araututako dirulaguntzei doakien zenbatekoa, bera bakarrik edo beste dirulaguntza edo laguntzaren batekin batera, inola ere ez baita izango erakunde onuradunak garatuko duen jardueraren kostua baino handiagoa.

6. Herri Administrazioako eta Erakunde Harremanetarako Sailak, urtero, iragarki bat jarriko du Bizkaiko Aldizkari Ofizialean, deialdi publiko honetan aurkeztu eta ebatzi diren eskabideen berri emateko.

10. oinarria. — Ordainketa

Deialdi hau ebazteko ematen den foru agindua jakinarazi eta ondorengo hamar egun baliodunetan erakunde onuradunak ez badio espresuki eta idatziz uko egiten, dirulaguntza onartu duela ulertuko da. Epea aipatutakoa betetzen den Europari buruzko Orientazioa Bideratzeko Zerbitzuak dagokion zenbatekoaren ordainketa izapidetuko du, eta erakunde onuradunei ez zaie horretarako inolako bermerik eskatuko.

11. oinarria. — Betebeharrak

1. Foru-dekretu honen bitartez araututako dirulaguntzen erakunde onuradunek honako konpromiso hauek bete beharko dituzte:

- Udalerrietako, autonomia-erkidegoetako, estatuko edo nazioarteko beste administrazio edo erakunde publiko batek xede bererako emandako beste dirulaguntza, laguntza, sarrera edo baliabideren berri ematea Bizkaiko Foru Aldundiari.
- Eskatzen zaienean laguntza ematea Herri Administrazioako eta Erakunde Harremanetarako Sailari, dekretu honen helburua betetzeko edozein informazio mota aurkezteko.
- Kontratatzan den kanpo-aholkularitzako enpresan taldea osatzen duten pertzonen zerrenda, sexuaren arabera bereizita
- Herri Administrazioako eta Erakunde Harremanetarako Foru Sailak, Ogasun eta Finantzen Foru Sailak eta Herri Kontuen Euskal Epaitegiak egiten dituzten egiaztapen-jardueren menpe jartzea.
- Bizkaiko Foru Administrazioak emandako dirulaguntzen araubide juridiko orokorra arautzen duten 5/2005 Forua Arauen 13 eta 17. artikuluen eta 34/2010 Foru Dekretuen 54. artikuluan eta hurrengoetan ezarritako gainerako baldintzak betetzea.

**12. oinarria. — Itzultzea.**

1. Zenbait kasutan itzuli egin beharko dira jasotako dirulaguntza eta dagozkion berandutze-interesak. Hain zuzen ere, hala egin beharko da baldin eta ez badira betetzen aurreko artikuluan edo 5/2005 Foru Arauen 33. artikuluan edo 2010 Foru Dekretuen bidez onetsitako Dirulaguntzen Erregelamenduan jasotako betebeharretariko bat edo batzuk; besteak beste, kasu hauetan:

- a) Frogatu beharrekoa frogatu gabe uztea.
- b) Emandako dirulaguntzaren helburua ez betetzea.
- c) Dirulaguntza justifikatzen ez bada edo foru-dekretu honetan ezarritakoaren arabera nahiko edo behar bezala justifikatzen ez bada, justifikatu ez den dirulaguntzaren zatia eta sortutako berandutze-interesak itzuli beharko dira, Europari buruzko Orientazioa Bideratzeko Zerbitzuak horretarako errekerimendua egin ondoren.
- d) Dirulaguntza lortzea nahiz eta horretarako baldintzak bete ez.
- e) Foru-dekretu honetan ezarritako gainerako baldintzak ez betetzea.
- f) Ezarritako kontrol-jarduerak egiten ez uztea, edo horretarako oztopoak jartzea.

2. Dirulaguntza jaso duen jarduketaren kostua baino finantzaketa handiagoa jasotzen bada, laguntza itzuli egin beharko da.

3. Era berean, emandako dirulaguntza itzuli beharko da, dagokion proportzioan, baldin eta jardueraren amaierako kostua aurrekontuan adierazitakoa baino txikiagoa bada.

13. oinarria. — Aurrekontuko partida

Deialdi honetako dirulaguntzak emateko ezarritako aurrekontu-muga 60.000 euro izango da. Kopuru hori 2023 urteko aurrekontuko 0710G/912104/43299 partidako 2018/0015 proiektuaren kargura ordainduko da, urteen arabera honela ordainduz:

- 2022.urtean: 0,00 euro.
- 2023.urtean: 60.000 euro.

14. oinarria. — Zehapen-araubidea

1. Zehapen-espedientea ireki daiteke baldin eta onuradunak 5/2005 Foru Arauaren IV. tituluko I. kapituluan jasotako egite edo ez-egiteren bat egiten badu.

2. Diru-zehapenak eta beste era batekoak ezarritako ziortuko dira arau-haustea.

3. Zehapena ezarri edo ez, onuradunek itzuli egin beharko dute dirulaguntza kontzeptuan bidegabe lortutako dirulaguntzaren zenbatekoa.

15. oinarria. — Araubide juridikoa

Foru agindu honetan aurrez ikusi ez diren alderdietarako, manu hauek aplikatuko dira: 5/2005 Foru Arauen, 34/2010 Foru Dekretua eta, osagarri gisa, APEL, 40/2015 Legea eta bere izaeragatik aplikatzekoa den beste edozein xedapen arau-emaile.